



МЕСЯЦА ИЮНЯ В 29-Й ДЕНЬ

**Святых славных и всехвальных
и первоверховных апостол Петра и Павла
Творим бдение.**

НА МАЛОЙ ВЕЧЕРНИ

На Господи, воззвах: стихиры на 4, глас 4.

Подобен: Дал еси знамение:



**Дал еси хваление Церкви Твоей, Господи, /
честныя апостолы Твоя, / в нейже просиява-
ют мысленнии светильницы, / Петр же и
Павел, якоже звезды словесныя, / вселенную
озаряюще, / имиже просветил еси западный мрак, /
Иисусе Всесильне, / Спасе душ наших.**

**Дал еси утверждение Церкви Твоей, Господи, /
Петрову твердость, и Павлов разум, / и светлую
мудрость, / и обоих богогласие истинное, / еллин-
скую прелесть отгонящее, / темже, тайноводими от
обоих, / поем Тя, Иисусе Всесильне, / Спасе душ
наших.**

**Дал еси образ обращения согрешающим, / оба
апостолы Твоя, / оваго убо отвергшагося Тебе во
время страсти и покаявшася, / оваго же проповеди
Твоей сопротивляющася и веровавша, / и обою
собору первостоятельствующих друзей Твоих, /
Иисусе Всесильне, / Спасе душ наших.**

Слава, глас 8. Иоанна монаха:

**Досадитель и гонитель Церкви был еси, / Павле
себлаженне, / с Небес же зван быв, защитил еси
сию преславно, / ейже ныне моли избавитися от
бед / и спастися душам нашим.**

И ныне, Богородичен:

Кров Твой, Богородице Дѣво, / врачевство́ есть
духовное: / в онъ бо прибегающе, / от душевных
недугъ избавляемся.

Прокімен дне.

На стиховне стихиры, глас 2:

Подобен: Егда от Древа:

Пётре, апóstолов основáние, / кáменю Христовы
Цѣркве, / христиáнов начáло, / паси́ овцы твоегó
дворá славно: / áгнцы твоѧ сохрани́ от волкóв
льстивых, / избáви стадо твоѧ от напáстей лю́тых, /
тя бо моли́твенника к Бóгу неусы́пна стяжáхом
войстинну / и, о тебѣ хвáлящеся, спаса́емся вси.

Стих: Во всю зѣмлю избыде вещáние их / и в
концы́ вселѣнныя глагóлы их.

Пáвле, язýков лóвче, / христиáн предстáтелю, /
вселѣнныя светильниче, / устá немóчна Христа́,
Живáго Бóга, / обтеки́й, я́коже со́лнце, концы́ вся /
проповѣданиемъ Божѣственныя вѣры. / Разреши́ от
уз грехóвныхъ вся восхваля́ющия тя / и крася́щияся
моли́твами твоими́.

Стих: Небесá повѣдаютъ сла́ву Бóжию, / творѣние
же руку́ Егó возвещáет твердь.

Пётре, верхóвный учениче, Пáвле, апóstолов
исполнѣние, / пѣрвии проповѣдницы, / ныне со
дерзновѣниемъ моли́теся к Бóгу прилѣжно / и ско́-
рую пóмощь и разрешѣние бедъ вкúпе низпослíte
скорбя́щимъ намъ, / я́ко да похвáлимся вѣрою / и
ныне в сѣни вáшей / дѣлы проявля́юще покрóв
ваш.

Сла́ва, глас 4. Иоáнна мона́ха:

Христóс, ты пѣрваго избрáв, / Пётре, основáние
вѣры, / венча́ тя, Иже всехъ Влады́ка тебѣ предрече́: /
блаженъ еси́, Сѣмоне вар Иóна, / я́ко плоть и кровь
не яви́, священнопроповѣдника Моегó сотвори́ ты, /
но Оте́ц Мой, Иже есть на Небесѣхъ, / Тогó моли́,
Богоблаженне апóstоле, / даровáти намъ вели́ю
мѣлость.

И ныне, Богородичен: Избáви нас от бедъ:

Тропа́рь зри на вели́цей вечерни

Сла́ва, и ныне, Богородичен: Ёже от вѣка
утаёное:

НА ВЕЛИЦЕЙ ВЕЧЕРНИ

По обычном псалмэ поэм: Блажен муж: 1-й антифён. На Господи, возвах: стихиры на 8, глас 2. Самоподобен. Андрея Пирскаго:

Кйими похвальнойми венцы / увязем Петра и Павла, / разделенныя телесы / и совокупленныя духом, / Богопроповедников первостоятели? / Оваго убо яко апостолов предначальника, / оваго же яко паче инех трудившася. / Сих бо воистинну достойно безсмертныя славы венцы / венчает Христос Бог наш, / имеяй велию милость.

Кйими песненными добротами / воспоем Петра и Павла? / Богоразумия криле, прелетевшия концы / и к Небесы вознесшияся, / рuce Евангелия благодати, / нозе истиннаго проповедания, / реки премудрости, / крестныя роги, / ймиже демонов бровь Христос низложй, / имеяй велию милость.

Кйими духовными песнями / похвалим Петра и Павла? / Безбожия заклавшия незатыкаемая уста, / страшныя Духа мечй, / Рима светлая удобрениа, / всея вселенныя питатели, / Новаго Завета Богописанныя скрижали мысленныя, / яже в Сионе Христос возгласй, / имеяй велию милость.

Слава, глас 4. Иоанна монаха:

Трикрáтным вопрошением, / еже: Пётре, любиши ли Мя? / трикрáтное отвержение Христос исправил есть. / Темже и к Тайноведцу Симон: / Господи, вся веши, вся знаеши, / Ты веши, яко люблю Тя. / Темже к нему Спас: / пасй овцы Моя, пасй избранныя Моя, / пасй агнцы Моя, яже Моею кровию снабдох во спасение. / Того моли, Богоблаженне апостоле, / даровати нам велию милость.

И ныне, Богородичен: Иже Тебе ради:

Вход. Прокимен дне. И чтения:

Соборнаго Послания Петрова чтение (глава 1):

Братие, / благословен Бог и Отец Господа нашего Иисуса Христа, / Иже по мнозей Своей милости породей нас во упование живо / воскресением Иисус Христовым от мертвых, / в наследие нетленно, и нескверно, и неувядаемо, / соблюдено на Небесех вас ради, / йже силою Божиею соблюдени

вѣроу во спасѣние, / готовое явѣтися во время послѣднее. / О немже радуйтесь, мало ныне, аще лепо есть, / прискорбни бывше в различных напастьех, / да искушѣние вѣшей веры многочистнѣйше злата гибнуща, / огнем же искушѣна, обрящется в похвалу и честь и славу, / во откровѣнии Иисус Христовѣ, / Егоче не видевше, любите, / и на Негоже ныне не зряще, верующе же, / радуется радостію неизглаголанною и прославленною, / приѣмлюще кончину вере вѣшей, спасѣние душам.

Соборнаго Послѣнія Петрова чтѣние (глава 1):

Возлюбленнии, / препоясавше чресла помышлѣния вѣшого, / трезвящися совершенно, уповайте на приносимую вам благодать откровѣнием Иисус Христовым. / Яко чада послушания, не преобразующися первыми неведѣния вѣшого похотѣнии, / но по звавшему вы Святому, и сами святы во всем житіи будите. / Зане писано есть: / святы будите, яко Аз Свят есмь. / И аще Отца называете, нелицемерно судяща комуждо по делу, / со страхом житія вѣшого время жителствуите, / ведяще, яко не истленным серебром или златом / избавистеся от суетнаго вѣшого житія, отцы преданнаго, / но честною кровію, яко Агнца непорочна / и Пречиста, Христа.

Соборнаго Послѣнія Петрова чтѣние (глава 2):

Возлюбленнии, / молю, яко пришельцы и странники, / огребатися от плотских похотей, яже воют на душу, / житіе вѣше имуще добро во языцех, / да о немже клеветуют вас, аки злодеев, / от добрых дел видевше, прославят Бога в день просвѣщѣния. / Повинитесь убо всякому человеку созданию, Господа ради: / аще царю, яко преобладающе, / аще ли же князем, яко от Него посланным, / во отмщѣние убо злодеем, в похвалу же благодѣтелем. / Яко тако есть воля Божия, / благотворящим обуздовати безумных человек невежество, / яко свободни, а не яко прикровѣние имуще злобы свободу, но яко раби Божии. / Всех почитайте, / братство возлюбите, / Бога бойтесь, царя чтите. / Раби, повинуйтесь во всяком страхе вла-

дыкам, / не то́кмо благім и крѳтким, но и стропті-
вым. / Се бо есть угѳдно пред Бѳгом, / а́ще со́вести
ра́ди Бѳжия терпѳт кто скѳрби, страждá без
правды. / Кáя бо похвалá, а́ще согрешáюще,
мúчими, терпитѳ? / Но, а́ще добрѳ творя́ще и
стражду́ще, терпитѳ, / сие угѳдно пред Бѳгом. / На
сие бо и звáни бы́сте, / занѳ и Христѳс пострадá
по нас, / нам оставль ѳбраз, да послѳдуем стопáм
Егѳ. / Иже грехá не сотвори, ни обрѳетеса лѳсть во
устѳх Егѳ. / Иже укоря́емъ, прѳтиву не укоря́ше, /
страждá, не, прещáше, / преда́ше же судя́щему
праведно. / Иже грехи́ нáша Сам вознесѳ на тѳле
Своѳм на дрѳво, / да, от грех избѳвше, правдою
поживѳм.

На литіи стихіры, глас 2. Самогласны.

Андрѳя Иерусалимиты: Грядѳте, собѳри днесъ
вѳрных, / благохвáльное и красное собрáние, /
благодáти избрáнныя хитрецы, / Петрá и Пáвла,
подѳбными хвалáми венчáем, / я́ко незавѳстно
всем слѳво всея́вше, / с сѳми и благодáть Дúха
обога́тиша, / и, ѳстиннаго виногрáда сýще лѳзие, /
грозд зрел нам воздѳлаша, / веселя́щ сердцá нá-
ша. / К нѳмже откровѳнным лицѳм и чѳстою
со́вѳстию возопиѳм, глагѳлюще: / рáдуйтеса, разо-
рѳтели безсловѳсных и служѳтелие словѳсных. /
Рáдуйтеса, всех Творцá и Строитѳля избрáния
красная. / Рáдуйтеса, ходáтаи благѳх и отгонѳте-
лие лѳстных, / ѳхже да умѳлим: / молѳтеса прѳсно к
Зиждѳтелю и Учѳтелю / мир крепкостоя́телен мѳру
даровáти / и душáм нáшим вѳлию мѳлость.

Арсѳниѳво: Ученики́ Христѳвы и основáния
Цѳркве, / ѳстинныя столпы́ и стѳны / и трýбы
Божѳственныя Христѳовых учѳний и страдáний, /
верхѳвныя Петрá и Пáвла, / я́ко всего́ мѳра
предстáтели, восхва́лим: / сѳи бо, обтѳкше ширѳту
всея́ землі, / я́коже рáлом, всея́ша вѳру / и всем
Богоразúмие всадѳша, / Трѳйчѳское явля́юще Сло-
во. / О, Пѳтре, кáменю и основáние, / и Пáвле,
сосúде избрáнный! / Иже и сопряжѳннии во́лы
Христѳовы, / вся привлекѳша к Богоразúмию язѳ-
ки, / грады́ же и ѳстрова, / еврейи́ же пáки ко Хри-
стú возведѳша, / и мѳлят спастѳся душáм нáшим.

Германово: Пётре, верховне славных апостол,
каменю веры, / и Павле чудне, Святых Церквей
вития и светильниче, / Божественному престолу
предстояще, / о нас Христу молитесь.

Павле, уста Господня, основание учений, / ино-
гда убо гонитель Иисуса Спаса, / ныне же и
первопрестольник апостолов быв, блаженне. /
Темже неизглаболанная видел еси, мудре, / даже до
третьяго небесе возшед, и зывал еси: / приидите
со мною, и благих не лишимся.

Глас 3. Иоанна монаха: Вышняго Иерусалима
граждане, / камень веры, вития Церкви Христо-
вы, / Тройческая двоица, мира ловцы, / оставльше
днесь яже на земли, / отыдоша страданием к Богу /
и молятся Ему со дерзновением / спастися душам
нашим.

Слава, глас 5. Византиево:

Премудрость Божия, Соприсносущное Слово
Отчее, / якоже в Евангелиях предрече, многоплод-
ная лозы / вы есте, всехвальнии апостоли, / иже
грозд зрел и красен в ветвех ваших носящии, /
егоже, вернии, ядуще, услаждаем вкус к веселию. /
Пётре, каменю веры, / и Павле, похвало вселен-
ных, / утвердите стадо, еже стяжасте ученьми
вашими.

И ныне, Богородичен: Блажим Тя, Богородице:
На стиховне стихиры самогласны, глас 1.
Андрея Критского:

Яже по вся грады узы и скорби твоя, / кто
скажет, славне апостоле Павле? / Труды, болезни
и бдения, / яже во алчбе и жажде злострастия, /
яже в зиме и наготe, кошницу и жезлобия, /
каменометания и обхождения, глубины истопле-
ния, / позор был еси Ангелов и человеков. / Вся убо
претерпел еси о укрепляющем тя Христе, / да мир
приобрядеши, о Христе Иисусе, Господе твоём. /
Темже молим тя, творящии память твою верно: /
непрестанно моли спастися душам нашим.

Стих: Во всю землю изыде вещание их / и в концы
вселенных глаголы их.

Яже по вся грады вязания и скорби твоя / кто
исповест, славне апостоле? / Или кто представит

пóдвиги и труды тво́я, / и́миже трудился еси́ во Ева́нгелии Христо́ве, / да вся приобретаеши и Христу́ приведеши Це́рковь? / Но сию́ проси́ сохра́нити до́брое твоё испове́дание, / да́же до ко́нечнаго издыха́ния, / Па́вле апо́столе и учи́телю Це́рквей.

Стих: Небеса́ пове́дают сла́ву Бо́жию, / творе́ние же руку́ Его́ возвеща́ет твердь.

Свети́льники вели́кия Це́ркве, / Петра́ и Па́вла восхва́лим: / па́че бо со́лнца возсия́ша на твёрди ве́ры / и язы́ки заря́ми пропове́дания от неведе́ния возведо́ша. / Ов у́бо на кресте́ пригво́ждься, / к Небеси́ шестви́я творя́, / иде́же Ца́рствия ключи́ от Христа́ при́ят, / ов же мече́м усече́н быв, / ко Спа́су отше́д, / по досто́янию ублажа́ются / и о́ба Изра́илю возвеща́ют, / я́ко на Самаго́ Го́спода непра́ведно ру́це простре́. / Те́мже моли́твами их, Христе́ Бо́же наш, / на ны шата́ющиеся низложи́ / и правосла́вных ве́ру утверди́, / я́ко Человеколю́бец.

Сла́ва, глас 6. Ефре́ма Ка́рия:

Пра́здник ра́достен возсия́ ко́нцем днесь: / всече́стная па́мять прему́дрых апо́стол и верхо́вных / Петра́ и Па́вла, / те́мже и Рим сра́дуется, ликова́ствуя в пе́снях и пе́ниих. / Пра́зднуем и мы, бра́тие, / всечестны́й сей день соверши́вше. / Ра́дуйся, Пе́тре апо́столе, / и́скренний дру́же твоего́ Учи́теля, / Христа́, Бо́га на́шего; / ра́дуйся, Па́вле вселюбе́знейший, / и пропове́дниче ве́ры, и учи́телю вселе́нныя; / я́ко име́я дерзнове́ние, / супру́же святоизбра́нный, / Христа́, Бо́га на́шего моли́те / спасти́ся душа́м на́шим.

И ны́не, Богоро́дичен: Творе́ц и Иза́витель мой, Пречи́стая:

На благосло́вении хле́бов тропа́рь апо́столов, два́жды, и Богоро́дице Де́во: еди́ножды, и чтение.

Тропа́рь, глас 4:

Апо́столов первопресто́льницы / и вселе́нныя Учи́телие, / Влады́ку всех моли́те / мир вселе́нней дарова́ти / и душа́м на́шим ве́лию ми́лость.

НА УТРЕНИ

На Бог Господь: тропарь апостолов, дважды. Слава, и ныне, Богородичен: Еже от века утаеное:

По 1-й кафизме седален, глас 8.

Подобен: Премудрости:

Глубину ловления оставль, / с Небесе прием от Отца Божественное откровение Слова воплощения, / и со дерзновением верно вопиял еси Зиждителю Твоему: / Божия Тя вем Сына Единосущна. / Темже по достоянию войстинну показался еси камень веры / и ключарь благодати, Пётре апостоле. / Моли Христа Бога грехов оставление даровати / празднующим любовь святую память твою.

Слава, глас 1.

Подобен: Камени запечатану:

Церковнаго камня, всехвальнаго Петра, и поборника Павла, / мирскую мрежу, достойно восхвалим, вернии, яко имуща ключи Небесныя: / от них бо просветися вселенная верою Тройческою. / Слава Прославльшему вас, / слава Укрепльшему вы, / слава Даровавшему вас ради жизнь вечную.

И ныне, Богородичен:

Руце Твои Божественнии, / иже Создателя понесла еси, / Дево Пресвятая, воплощагося благостынею, / простерши, умоли Его избавити нас от искушений, и страстей, и бед, / хвалящих Тя любовь и вопиющих: / слава Всельшемуся в Тя, / слава Прощедшему из Тебе, / слава Избавльшему нас рождеством Твоим.

По 2-й кафизме седален, глас 8.

Подобен: Премудрости:

С Небесе звание от Христа приим, явился еси проповедник Света, / всех благодати озарил еси ученьми: / закона бо служение писмене изстругав, верным облистал еси разум Духа. / Темже и в третье небо достойне взятся превыспренно, / и в рай достигл еси, Павле апостоле. / Моли Христа Бога согрешений оставление даровати / празднующим любовь святую память твою.

Сла́ва, глас 4.**Подобен:** Явѣлся еси́ днесь:

Светолу́чными сия́нии, ꙗкоже звѣзды, земны́я
концы́ просвещаете учѣнии святы́я проповѣди,/ /
Небѣсныи тайнницы, Господни апостоли.

И ны́не, Богородичен:

Тѣплое заступлѣние сущимъ в бѣдахъ, и Помощни-
цу нашу,/ и к Бо́гу пременение, Ёюже тли
избавихомся,/ Богородицу, вѣрнии, ублажаемъ.

По полиелѣи седален, глас 8.**Подобен:** Премудрости:

Верховны́я явльшиися от учени́к, вели́кия све-
тильники и свети́лыя,/ Петра́ да восхва́лим и
премудраго Па́вла:/ огнемъ бо Божѣственнаго про-
сиявша́ Ду́ха, мглу прѣлести попали́ша всю,/ /
тѣмже и Вѣшняяго Царствія ору́жницы досто́йне
показашася и благодати сопрестольницы./ /
Сего́ ра́ди вопиѣм:/ апостоли Христа́ Бо́га, прегрѣше́-
ний оставлѣние испросите/ прѣзднующимъ любо́-
вию святу́ю па́мьять ва́шу.

Сла́ва, и ны́не, Богородичен:

Яко Всенепоро́чная Невѣста Творцу́, ꙗко Неис-
кусому́жная Ма́ти Избавителя,/ приятелище ꙗко
сущи Утѣшителя, Препѣтая,/ беззаконию мя суща
скверное обителище и бесомъ игралище в разумѣ
бывша,/ потщися от техъ злодѣйства мя избавити/
и свѣтлое жилище добродѣтелей соверши́, Свето-
носная Нетлѣнная,/ отженіи́ облакъ страсте́й и
Вѣшняяго причастія сподоби/ и свѣта невечерня-
го моли́твами Твои́ми.

Степенна, 1-й антифѣн 4-го гласа. Прокімен,
глас 4: Во всю зѣмлю изы́де вещание их / и в концы́
вселѣнныя глаго́лы их. **Стих:** Небеса́ повѣдают
сла́ву Бо́жию: **Всякое** дыха́ние: **Стих:** Хвалите
Бо́га во святы́х Его́: **Ева́нгелие от Ио́анна, зачало**
67.

По 50-м псалмѣ стихи́ра, глас 6. Самогласна:

Благоче́стия и́стинныя проповѣдники / и Цѣркве
пресвѣтлы́я звѣзды / пѣсньми похва́льными поч-
ти́м,/ Петра́, ка́меня вѣры,/ и Па́вла, и́стиннаго

учителя и тайнника Христова. / Сии бо истинное слово всеявше в сердца верных, / всем плодonoсие дающая, / и молят Христа Бога / спастися душам нашим.

Канона два. Творение Иоанна Дамаскина. Первый святого апостола Петра, глас 4, со ирмосом на 8, ирмос по дважды, тропари на 6.

Песнь 1

Ирмос: *Несть Тебе подобен, / препрославленный Господи, / рукою бо крепкою избавил еси люди, / яже стяжал еси, Человеколюбче.*

Верховнейшаго апостолов днесь, яко первоуважнаго Христова, / богодохновенными песнями достойно воспойм.

Тя предвечный проуведев, предустави, всеблаженне Петре, / яко представителя Своея Церкви и первопрестольника.

Ни плоть, ниже кровь тебе, но Отец вдохну / Христа богословити, Сына истиннаго Бога Вышняго, апостоле.

Богородичен: *Гору святую, превышнее носило, / Матерь Божию и Деву истинную по рождестве воспоем.*

Ин канон святого апостола Павла, тропари на 6, глас 8.

Песнь 1

Ирмос: *Посеченный несекомаго пресече, / и виде солнце землю, юже не виде, / лютаго врага вода потопи, / и непроходимое пройде Израиль, / песнь же воспевашеся: / Господеви поим, славно бо прославися.*

Якоже сущая нарицаая не сущая Христос Божественным разумом, Павле всеблаженне, / Той из матерня чрева тя избра / понести пред язъки Божественное Его Имя, еже паче всякаго имени: / славно бо прославися.

Будущее возвещая тебе сияние благочестия, Павле, / и лести очищение, / Христос явлься на горе молниезрачен, / очи убо помрачает плотския, душевныя же вразумляет Тройческим разумом: / славно бо прославися.

Обрезание убо совершая осмодневное и ревни-

тель отеческих, Пáвле, предáний, / от сéмене еврейска, колéна Вениамíнова, / по закóну же фарисей явься, / вменíл еси вся умéты и Христá приобрёл еси: / славно бо прославися.

Богорóдичен: Чíстая Мáти Бóга Вседержíтеля, от царскаго колéна, Владычице, изрáстши / и едина Бóга, всéми царствующаго, рóждшая плóтию пáче естества, / от бед мя спаси, Сýну Твоему поюща: / славно бо прославися.

Катавáсия: *Отвэрзу уста моя:*

Песнь 3

Ирмос: *Не мудростию, и силою, и богатством хвáлимся, / но Тобóю, Отчею Ипостáсною мудростию, Христé: / несть бо свят, пáче Тебé, Человеколюбче.*

Тя, блаженна, сладкая уста Христá Бóга и сокро́вище твёрдо Цáрствия показáша. / Тёмже воспевáем тя, Пётре апóстоле.

На камени твоегó Богослóвия водрузи́ Влады́ка Иисус Цёрковь непреклóнну, / в нейже ты, апóстоле Пётре, славим.

Яко пребóльши А́нгел Петр в телеси: / во светлом бо пришéствии сегó / Христóс Бог судию же и соседáтеля бгы рече.

Богорóдичен: Неискусобра́чная, Бóга плóтию рóждшая, / страстными прилóги преклонéнна мя утверди́: / несть бо, Чíстая, рáзве Тебé, помощницы.

Ин

Ирмос: *Ты еси утверждéние / притекающих к Тебé, Гóсподи, / Ты еси свет омрачénных, / и поёт Тя дух мой.*

Ты камень основáния вёрным душáм положился еси многоцéнен, / краеуголен Спáса и Гóспода.

Пáвле всеблаженне, / на основáнии твоём, моли́ся, добродéтелей всехвáльных наздátися светлости.

Всегда мёртвость Иисúсову на твоём теле совершéнно, Пáвле, обносяй, / сподóбился еси и́стинныя жизни.

Богорóдичен: Тя вси стяжáхом прибежище и стéну нáшу, христиáне, / Тя славослóвим немóлчно, Безневéстная.

Ипако́й, глас 8:

Кая темница не имé тебе́ юзника?/ Кая же Цёрковь не имать тя витію?/ Дамáск великомудрствует о тебе́, Па́вле, веде бо ты запята́ свѣтом;/ Рим, твою́ кровь приёмый, и той хвалится,/ но и Тарс мно́жае радуется и любит, почитая твои́ пелены́./ Пётре, веры́ ка́меню, Па́вле, похвалó вселенныя,/ от Рима соше́дшеся, утверди́те нас.

Песнь 4

Ирмо́с: Сей Бог наш, от Дѣвы вопло́щся/ и естество́ обожив,/ Егóже воспева́юще, вопи́ем:/ сла́ва си́ле Твое́й, Го́споди.

Челове́ком ловца́ ты, я́коже обеща́ Христóс, соде́ла Божѣственна Своея́ Цёркве,/ пѣрвому вручив корми́ла.

Тобо́ю умоля́емъ Жизнода́вец Иисусъ,/ вяза́ти же и реши́ти да́вый тебе́ власть, Пётре, да бу́дет ми ми́лостив.

Христóво Ца́рствие отвѣрсти приле́жно моли́ся, Пётре,/ Божѣственную твою́ па́мьть ве́рою несумне́нною чту́щим.

Богородичен: Госпоже́ Всепѣтая, Богороди́тельнице,/ мо́я помышлѣния Твои́ми моли́твами очисти́вши,/ покажи́ мя благопло́дна, Ма́ти всех Бо́га.

Ин

Ирмо́с: Всел еси́ на ко́ни, апóстолы Твоя́, Го́споди,/ и прия́л еси́ рука́ма Твои́ма узды́ их,/ и спасѣние бысть еждѣние Твоѣ/ ве́рно пою́щим:/ сла́ва си́ле Твое́й, Го́споди.

Все́де, я́коже лев, ярови́дно погубля́я Христóву Цёрковь, Савл иногд́а,/ ят же быв Божѣственным гла́сом Агнца́ Бо́жия, Егóже гоня́ше,/ ста́до я́ко па́стырю вруча́ет.

Хотя́й просвети́ти вселенну́ю омрача́ется,/ Ана́ния же к сему́ послáся, душе́вное же просвещѣние дай и телѣсное / от Божѣственнаго явлѣния, сосу́д избра́н показáв тогó.

Па́влом досто́йно Дамáск напо́яется:/ от сегó бо, я́коже от райа́ иногд́а,/ вод Божѣственных сей произы́де вели́кий исто́чник/ и упо́й всю Богора́зумием незави́стно зѣмлю.

Богородичен: Низложи́ си́льныя со престóл

Госпóдь, Дéва и Мáти я́коже рече́, / а́лчущия же
Божéственныхъ благ испóлни, вéрою зовúщия: /
сла́ва си́ле Твоéй, Гóсподи.

Песнь 5

Ирмо́с: *Стяжа́вый ны, избра́нныя лю́ди / Кро́вию
Твоéю, Гóсподи, / Твой мир даждь нам, / во едино-
мы́слии сохра́няя ста́до Твоé.*

И́же от любве́ при́йм дерзнове́ние к Бо́гу, /
достóйно чудíм бывáше лове́ц и неве́жда, / чудо-
дéйствию пресла́вно благода́тию.

Не зláто Тебе́ ра́ди, ни сребро́, Христé, / Божé-
ственный Твой апо́стол, но добродéтель стяжа́в, /
чудесъ обогатíся си́лою.

Исправля́хуся стопы́ и глэ́зне* хро́мых, дéй-
ственным тво́им глаго́лом: / Божéственным бо
Ду́хом соверша́хуся пресла́вныя вéщи.

Богоро́дичен: *Воплотíся Бог по ипостáси, Чí-
стая, из Тебе́ плóтию соединя́емь, / пребы́в неизме́-
нен, по Божéственному существу́ безплóтен.*

Ин

Ирмо́с: *Просветí нас повелéнии Тво́ими, Гóспо-
ди, / и мы́шцею Твоéю вы́сокою / Твой мир пода́ждь
нам, / Человеколю́бче.*

Ты и́стинную избра́л еси́, Па́вле, похвалу́, /
Крест Царя́ Христá прíсно нося́, / я́коже побéду,
апо́столе.

Тебе́ е́же жи́ти, Христóс, и е́же умрéти, приобре́-
тение изря́дно: / любóвию бо сраспáлся еси́ Рас-
пéншемуся нас ра́ди, Па́вле пресла́вне.

Ра́дуешися войи́стинну о Гóсподе, Па́вле че-
стный, изше́д из телесé / и отше́д ко Христú,
Жизнода́вцу Бо́гу.

Богоро́дичен: *Моли́ прíсно Сýна Твоего́ и Бо́га
нашего, / Неискусобра́чная Мари́е Чíстая, / послá-
ти нам, вéрным, мýлость.*

Песнь 6

Ирмо́с: *В ките́, Христé, триднéвновав, Ио́на /
прописа́ Тя, Безсме́ртнаго, я́ко мёртва во́лею / в
сёрдце земнём триднéвновавши.*

Я́коже дрéвле, Христé, десни́цею Твоéю по воде́

* глэ́зне — ноги

пéша ходяща Петра́ спасл еси́, / и мене́, потопля́-
ема бурею́ лóтых напáстей, спаси́, я́ко Милосéрд.

Оста́вил еси́, о Пётре, не сýщая, / и сýщая
достíгл еси́, я́коже не́кий купец, / и я́ве уловíл еси́
бíсер, Христа́, многоцéнный.

Искуша́ти безúмно покусíвшиися Дúха Пресвя́-
та́го, Пётре, умертвíл еси́: / Егóже богослóвил еси́
ты пёрвее, / я́ве исповéдав Бóга, всеблаже́нне.

Богорóдичен: **Вся́каго в́шша существа́ Сло́во**
Бóжие родила́ еси́, воплоще́нно нам, / те́мже Бого-
ро́дицу Тя устна́ми же и душе́ю проповéдаем.

Ин

Ирмо́с: **Моли́тву пролию́ ко Го́споду / и То́му**
возвещу́ печа́ли мо́я, / я́ко зол душа́ мо́я
испо́лнися / и живо́т мо́й а́ду прибли́жися, / и
молю́ся, я́ко Ио́на: / от тли, Бóже, возведи́ мя.

Вся пренебре́г краса́я ми́ра, / уязвлен Влады́ч-
нею́ любóвию и о́бщаго спасéния желáнием, /
свидéтельствовать то́му изво́лив, о Па́вле блаже́н-
не, / и ны́не о вселéнной моли́ся.

Я́ко изря́дный Влады́ще подобник / и в То́го
оде́ян, Па́вле, войстинну́ всем был еси́ всяк, / да
вся приобря́щещи и спасéши лю́ди, / и спасл еси́
я́ко войстинну́, Христу́ уловíв концы́.

Досто́йно тебе́ дарова́ Христóс жити́е, апóстоле
Па́вле, на Небесéх: / пребыва́ющаго бо zde не
возжелáл еси́ гра́да, блаже́нне, / véрен служíteль
быв и строите́ль та́ин Егó.

Богорóдичен: **Призré на Тя Господь, моё обнов-**
ля́я существо́, я́ко Си́лен, / вели́чия сотво́рь, Бого-
родíteльнице, я́коже рекла́ еси́, Всенепоро́чная, /
и спасé мя Тобóю из тли Бог мой, я́ко Милосéрд.

Конда́к, глас 2:

Твёрдыя и Боговещáнные проповéдатели, / верх
апóстолов Тво́их, Го́споди, / прия́л еси́ в на-
слаждéние благíх Тво́их и поко́й: / болéзни бо óнех
и смерть прия́л еси́ пáче вся́каго всеплóдия, /
Еди́не, свéдый сердéчная.

Йкос:

Уясни́ мой язы́к, Спа́се мой, расши́рив мо́я уста́ /
и испо́лнив я, умили́ се́рдце моё, / да, я́же глаго́лю,

последую и, яже убо учу, сотворю первее: / всяк бо творя и уча, рече, сей велик есть. / Аще бо глаголю, и не творю, яко медь звенящая вменюся; / темже рещи ми подобная и творити полезная даруй, / Еди́не, сведый сердечная.

Песнь 7

Ирмос: *В начале Безначальное Слово, / со Отцем и Духом, Сын Единородный, / благословен еси, и превозносимый / Боже отец наших.*

Милостивному, Божественным промыслом Христовым наказуемь, / подобитися попущен был еси, прежде страсти, Пётре, / отвержения подпасти волнению.

Тебе Христос, первозванному и zelo возлюбленному, / яко председателю благославному апостолов, первому является, воскрес от гроба.

Твое трикратное, еже прежде страсти, исцеляя отвержение, Владыка / трикратным боговещанным, Пётре, вопрошением утверждает любовь.

Еже ко Христу, Пётре, лобления, / предлагал еси свидетеля и Всевидящаго яко Бога Слова, / темже и любимое вручает тебе стадо.

Богородичен: *Яже во утробе Превечное, / от Отца возсиявшее Бога Слово плотию зачешую, / вси ублажаем, яко Матерь всех Бога.*

Ин

Ирмос: *На поле Деире / иногда мучитель пещь постави на мучение богоносных, / в нейже три отроки песнословяху Единого Бога, / трóично воспеваху, глаголюще: / отцев Боже, благословен еси.*

Бысть, Христэ, печать и венец апостолов Твоих, / иже напоследок званный времён, тщанием же всех превозшед, / с нимже люди церковнии поют Тебе: / отец наших Боже, благословен еси.

Аще и гонив первее Церковь Твою Павел узник, / но премину древнюю дерзость Твоею ревностью последи. / Собра бо, Христэ, языки, зовущия: / отец наших Боже, благословен еси.

Ты из Иерусалима проповедав всем Евангелие, / объят же окрест всю землю, Павле, / даже до конец Иллирика, уча, взывал еси: / отец наших Боже, благословен еси.

Во ўжасе взят быв, трэ́тие достíгл есѣ Не́бо, пребога́те, / и, услы́шав неизглаго́ланная словеса́, вопи́еши: / сла́ва превѣ́шнему Отцу́ и Сы́ну, / сия́ние же сопресто́льно испытáющаго я́ве Ду́ха Бо́жия глубины́.

Богорóдичен: Я́коже на руно́ дождь, на Тя снѣде, Де́во, Христóс Бог, / и Плотонóсец из Тебѣ прóйде, соединя́я прѣ́жде разстоя́щая, / мир на земли́ и на Небеси́ да́руя: / оте́ц на́ших Бо́же, благословѣ́н есѣ.

Песнь 8

Ирмо́с: *Вся́ческая нося́й непристу́пную Твоею́ си́лою, Христé, / преподо́бныя Твоя́ о́троки в пла́мени оросил есѣ́, зову́щия: / благослови́те, вся дела́ Господня́, Го́спода.*

Возде́жут твои́ ру́це и ко кресту́ ты препоя́шут,— / Влады́ка предрѣ́к, Пётре, повелева́ет послѣдовати зову́щу: / благослови́те, вся дела́ Господня́, Го́спода.

Благода́ти сло́вом Ене́я, у́бо разсла́бленна лю́те, / Тавифу́ же умершую, чудодѣ́йствуя, воскреси́л есѣ́, зову́щия: / благослови́те, вся дела́ Господня́, Го́спода.

И́же Петру́ язы́ки очище́ны пове́дав, Христé, / духо́вною заре́ю и мне помышлѣ́ния очисти́, зову́щу: / благослови́те, вся дела́ Господня́, Го́спода.

Богорóдичен: Всесвята́я Де́во, Я́же Бо́га Сло́ва ро́ждшая плóтию, / души́ моея́ мрак Твоими́ моли́твами отгна́вши, просвети́, зыва́ющая: / благослови́те, вся дела́ Господня́, Го́спода.

Ин

Ирмо́с: *На горе́ святѣ́й просла́вльшася / и в купинѣ́ огнемъ Присноде́вы Моисе́ови та́йну я́вльшаго, / Го́спода по́йте / и превозноси́те во вся ве́ки.*

Сраствори́ся любóвию Твоею́ Па́вел, до́брым же изменѣ́нием изступи́: / не себѣ́ бо живя́ше сла́вный, / имя́ше же, Ще́дре, живу́ща Тя в себѣ́ во вся ве́ки.

Ты обручи́л есѣ́, я́коже невесту́, предста́вити Жениху́ Христу́ Це́рковь: / невестово́ждь бо сея́ показáлся есѣ́, Па́вле Богоно́се. / Те́мже ты сла́вит во вся ве́ки.

Подвизáлся еси́ дóбрым пóдвигом / и, скончáв течéние твоé закóнно, сокрóвище вéры соблюл еси́. / Тémже венцév, Пáвле, сподóбился еси́ правды.

Богорóдичен: Рáдуйся, престóле огнезрáчный Госпóдень; / рáдуйся, Невéсто Неневéстная, Дéво, / рáдуйся, óблаче, Сóлнца възсия́вшая правды, / Егóже превозно́сим во вся вéки.

Песнь 9

Ирмо́с: Тя, преслáвную Невéсту и Всесвятúю Богорóдицу, / Зиждíteля рóждшую невидимых же и всех видимых, / пéснями велича́ем.

Твоя́ преизя́щная благодáть слáвится достóйно, / сéни бо твоéй стра́сти немощных, Пётре, отгоня́ющей, / тэмже тя велича́ем.

Мечта́ньми Сýмона волхва́ богобóрца взята́ к возду́шной высотé, / низложив неизглаго́ланною Божéственною сýлою, / Петр ублажа́ется.

Согрешéний разрешéние молítвами твоими́ пода́ждь, / просвещéние же сёрдца и весéлие дýха пою́щим пáмять твою́, апóстоле.

Твоя́ вся испóлнена слáвы, освящéния же и чудес: / словеса́, мóщи, персть и вéрою, Пётре, покланя́емая и любóвию Божéственныя вери́ги.

Богорóдичен: Твоé ймя́ Плод чрэва соде́я ликóвника песнь пéти Тебé, / Йже рáдость рóждши, / велегласно́ — рáдуйся — провещава́ющая.

Ин

Ирмо́с: Уста́вы прешла́ еси́ естества́, / Содéтеля зачéнши и Гóспода, / и дверь спасéния мýрови была́ еси́. / Тем Тя, Богорóдице, / непрестáнно велича́ем.

Твоим покланя́емся вери́гам, я́же за Христá, я́ко злоде́й, носил еси́, / я́звы же, Пáвле, облобыза́ем, / я́же на слáвнем твоём и победонóснем но́сиши телесí.

Нýне разреши́лся еси́, апóстоле, ко Йже тобо́ю непрестáнно Желáемому, / с Нимже я́ко служите́ль водворя́ясь, / непрестáнными мольба́ми тво́я рабы́ к себе́ привлецы́.

Нýне ника́коже в гадáниях, ниже́ в зерка́ле Христóс тебе́ зрим есть, / лицéм же пáче зрится к